

ЯНГИ

ЎЗБЕКИСТОН

Ижтимоий-сиёсий газета

№ 237 (1026), 2023 йил 15 ноябрь, чоршанба



БУЮК ЎЗБЕК ЙЎЛИ

ЯНГИ ЎЗБЕКИСТОН РУҲИ

дунёни тинчлик ва тараққиёт сари бирлашишга даъват этмоқда



Кейинги йилларда дунёни қутилмаган таҳдидлар, зиддиятли муносабатлар, экологик оқибатлар, геосиёсий қарама-қаршиликлар ва ўзаро ишончсизлик инқирози ташвишга солмоқда. Бундай мураккаб даврда миллий давлатчилик, ҳудудий ва минтақавий хавфсизлик масалалари ҳам тобора жиддийлашиб бораверади. Шу маънода, бугун давлатлар ва сиёсий етакчилар ўртасидаги ўзаро муносабатларда англашинув, бағрикенглик, ҳамжихатлик ва ишонч муҳитининг қарор топиши нақадар зарурлиги кундай аён.

Шундай бир қалтис вазиятда Ўзбекистон бугун ўз бағрига тараққиёт парвар мамлакатларни чорлаётган халқаро мулоқот майдонига айланди, давлатимиз раҳбари нафақат минтақа, балки дунё халқларини уйлантираётган ўткир муаммоларни дадил кўтариб, уларнинг оқилона ечимлари хусусида илғор ташаббусларни илгари сурётган фаол етакчилардан бири сифатида намоён бўлмоқда. Сўнги йилларда кўлаб нуфузли, истиқболли тузилмалар, жумладан, ШХТ, ТДТ, ИХТ, МДХ давлат раҳбарлари йиғилишлари ҳамда БМТ доирасидаги ташкилотлар саммитлари юртимизда муваффақиятли ўтаётгани халқаро майдонда ҳам эътироф этилмоқда.

Бўлиб ўтган саммитда ташкилотга аъзо давлатлар раҳбарлари билдирган фикрлар, илгари сурилган таклифларда ўзига хос яқдилликни кузатиш мумкин. Бу, албатта, кун тартибидagi масалалар иштороқчи мамлакатлар учун бирдек долзарб эканини англатади.

Жумладан, Шавкат Мирзиёев аъзо давлатлар ўртасидаги хар томонлама ҳамкорликни кенгайтириш учун ҳали ишга солинмаган катта имкониятлар, салоҳият мавжудлигини таъкидлади. Мазкур тузилмага аъзо мамлакатлар ўртасидаги савдо кўрсаткичи 85 миллиард доллар бўлиб, бу улар умумий ташқи савдосининг атиги 8 фоизини ташкил этаётганига уруғ берилди. Имтиёзли савдо битимини тузиш бўйича кўп йиллик уринишлар қутилган самарани бермаётгани, тўсиқсиз савдони шакллантириш йўлида ҳали-ҳамон кўлаб чеклов ва муаммолар сақланиб қолаётгани айтиб ўтилди.

▶ Давоми 2-бетда



ШАРҲ



ИХТнинг ТРАНСПОРТ-ЛОГИСТИКА САЛОҲИЯТИ

УНДАН САМАРАЛИ Фойдаланиш Халқаро Рақобатбардошликни Оширади

“Тарихи, дини, урф-одат ва анъаналари яқин бўлган биродар халқларимиз азалдан савдо-сотик алоқалари ва маданий ришталар билан чамбарчас боғланган. Иқтисодий ҳамкорлик ташкилоти ўтган давр мобайнида улкан иқтисодий салоҳиятга эга йирик минтақавий тузилмага айланди”.

Давлатимиз раҳбари бундан икки йил олдин ИХТнинг Туркманистонда бўлиб ўтган саммитида тузилма фаолиятига шундай юқори баҳо берган эди. Чунки айни кунда ташкилотга аъзо давлатлар аҳолиси сони ярим миллиарддан ортқ, ЯИМ ҳажми эса қарийб 2 триллион долларни ташкил этади.

Иқтисодий ҳамкорлик ташкилоти давлат раҳбарларининг Ўзбекистон мезбонлигида 8-9 ноябрь кунлари бўлиб ўтган 16-саммитида ҳам кўп қиррали ҳамкорлик истиқболлари, халқаро ва минтақавий аҳамиятга молик долзарб масалалар муҳокама қилинди.

Глобал инқирозга қарамай, ИХТ аъзо давлатлар иқтисодиётлари барқарор ўсиш суръатларини намоён этаётгани таъкидланди. Ўзбекистонда сўнги олти йилда ялпи ички маҳсулот ҳажми 1,5 баробар кўпайди. 2030 йилга қадар ушбу иқтисодий кўрсаткичи яна икки баробар ошириш режалаштирилди. Бунга, аввало, “ашиш” иқтисодиёт ва замонавий инфратузилмани барпо этиш, хусусий секторни рағбатлантириш ва янги иш ўринлари яратиш, хорижий инвестицияларни фаол жалб этиш ҳисобидан эришиш кўзда тутилмоқда.

▶ Давоми 4-бетда

ИНСОН ҲУҚУҚЛАРИ УМУМЖАҲОН ДЕКЛАРАЦИЯСИНING 75 ЙИЛЛИГИГА

ФАРОВОНЛИК ВА ЮКСАЛИШ АСОСИ

Инсон ҳуқуқлари умумжаҳон декларацияси инсоннинг шахсий ва сиёсий, иқтисодий, ижтимоий ва маданий ҳуқуқ ҳамда эркинликлари кўламини ўзида тўла мужассам этган дастлабки халқаро ҳуқуқий ҳужжат ҳисобланади. 30 моддадан иборат ушбу ҳужжатда алоҳида маданият, миллат ва минтақалар билан чекланмаган универсал қадриятлар мустаҳкамланган.

БМТ Бош Ассамблеясининг резолюциясига мувофиқ, 1948 йил 10 декабрда ушбу ҳужжатнинг қабул қилиниши халқаро муносабатлар ривожига муҳим тарихий босқич бўлди. Шу маънода, 1950

йилда БМТ томонидан 10 декабрни Халқаро инсон ҳуқуқлари куни сифатида кенг нишонлаш белгиланган. У ҳозирги кунда 535 дан ортқ тилга таржима қилинган.

▶ Давоми 2-бетда

ЖАРАЁН



БИОТЕХНОЛОГИЯ РИВОЖИ

ген муҳандислигидан доривор ўсимликлар материалгача

Ўзбекистон Фанлар академиясининг 80 йиллигини нишонлаш арафасидамиз. Ўзбек илм-фан тадқиқотлари ва ривож йўлидаги бу муҳаддатда Фанлар академияси турли эврилишларни бошдан кечирди. Ўтган вақтда илм-фанда эришилган ютуқларда кўлаб илмий-тадқиқот институтлари қатори Геномика ва биоинформатика марказининг ҳам алоҳида ўрни бор.

Биотехнология бугун дунёдаги энг тез ривожланаётган йўналишлардан биридир. Давлатимиз раҳбарининг 2020 йил 25 ноябрдаги “Биотехнологияларни ривожлантириш ва мамлакатнинг биологик хавфсизлигини таъминлаш тизимини такомиллаштириш бўйича комплекс чора-тадбирлар тўғрисида”ги қарори соҳа ривожига янги даврни бошлаб берди.

Ўзбекистонда биотехнология ва ген муҳандислиги қишлоқ хўжалиги экинларининг янги навларини яратишда асосий воситага айланди. Бугунги кунда ғўзанинг “Порлок”, “Равнак”, “Барак”, “Тафаккур”, “Саховат” каби қатор навларини етиштириш йўлга қўйилган. Уларнинг хар бири ўзига хос хусусиятга эга.

▶ Давоми 5-бетда

НАВОИЙ КОН-МЕТАЛЛУРГИЯ КОМБИНАТИГА 65 ЙИЛ



ФИДОЙИЛИК ВА ЖАСОРАТ ТАРИХИ

Навоий кон-металлургия комбинати жаҳондаги олтин ишлаб чиқарувчи энг йирик компаниялардан бири. Бундай мақом ва нуфузга соҳага қаратилаётган катта эътибор, яратилаётган имкониятлар ҳамда корхонада фаолият юритаётган малакали муҳандис ва тажрибали мутахассисларнинг фидокорона меҳнати туфайли эришилмоқда. Бунинг натижасида Қизилқум саҳросида ривожланган ишлаб чиқариш, транспорт ва ижтимоий инфратузилмани ўзида мужассам этган замонавий кон-металлургия мажмуаси вужудга келди. Айни кунларда корхона ташкил этилганлигининг 65 йиллиги кенг нишонланмоқда.

▶ Давоми 3-бетда



ТАЪЛИМ



“ФАН БОҒИНИНГ БОҒБОНИСИЗ, ЧАРОҒБОНСИЗ КЎНГИЛГА”

Шаҳрисабз давлат педагогика институти фаолият бошлаганига ҳам тўрт йилдан ошди. Мазкур олийгоҳ 2019 йил сентябрь ойидан филиал сифатида иш бошлаган эди. Илк ўқув йилидан мактабгача таълим, бошланғич таълим ва спорт тарбиявий ишлари, хорижий тиллар, она тили ва адабиёти, рус тили ва адабиёти каби йўналишларда талабалар қабул қилиниб, дарс жараёнлари бошлаб юборилганди.

▶ Давоми 5-бетда

